

元和郡縣補志

江甯嚴觀子進甫輯

山南道 原卷第
二十

江陵府 江陵

戶三萬三百九十二

今為荆南節度使理所 管峽州歸州夔州澧州
朗州忠州萬州金州

管縣三十九 都管戶

案禹貢荆州之域周楚地軫星散為荆州分為楚國荆
之為言強也陽盛物堅故其人稟之氣急悍也春秋時

元和補志四 山南道

為郢都秦昭襄王二十九年拔郢置南郡項羽立共敖
為臨江王於此漢高祖元年為臨江郡五年仍為南郡
景帝二年為臨江國中元二年仍為南郡武帝時置荆
州刺史南郡隸焉後漢因之漢末曹公赤壁敗後遂為
吳蜀三分之地原文曰吳克荊州呂蒙及朱然陸遜相
繼守之晉平吳改為南平郡治江安尋復為南郡羊祜
杜預繼治荊州或鎮襄陽或鎮江陵東晉王忱始於江
陵營城府此後常以江陵為州治唐上元元年改為江
陵府自東晉以後居建業以揚州為京師根本荊州為

上流重鎮比周之分陝焉渚宮楚別宮今州所治卽其

地理見通鑑地有府一曰羅含有永安軍乾元元年置唐書

州境東西北七十五里

八到東至上都一千三百一十五里

東至復州四百八十里

南至澧州三百里

西至峽州三百四十里

北至襄州四百五十里

東南至岳州五百七十五里

西南至峽州安遠縣界二百六十五里

西北至澧州三百五十里

東北至鄂州二百二十里

貢賦

貢

綿絹

方紋綾

貲布

甘草

烏梅

橘糖

元和補志四

山南道

二

蟹

石龍芮

碧澗茶芽

管縣八

江陵 枝江 當陽 長林 石首 松滋

公安 荊門

江陵縣

次赤

按縣本秦置南郡治所也故楚都之郢城西通巴巫東有雲夢之饒今治所晉桓溫所築城也貞元八年節度使嗣曹王臯塞古堤廣良田五千頃畝收一鍾又規江南廢洲爲廬舍架江爲二橋荆俗飲陂澤乃教人鑿井

人以爲便

江陵有東西二城蕭管稱藩于魏居西城魏置總管以

附之居東城是也

原文

平王城在縣東北六里紀南故城在縣北五十里

括地志

漢趙岐壽藏在今古郢城中

通典

漢津鄉故城在縣東

後漢書注

澧水在荊州

初學記

縣界有景洲魏將夏侯圍南郡作浮橋處

初學記

荊州圖記曰縣東有天井飛軒光映背邑面河實郊鄗

元和補志四

山南道

三

遊憩之佳處也

初學記

縣東北有地陷曰天井周迴二里許中有潛室見則有

兵寇

藝文類聚

荊州有大井湖高沙湖大澹湖馬骨湖支湖陂湖赤湖

沔湖又有蔡子池及劉郎浦因漢昭烈帝娶孫夫人渡

此故名

藝文類聚

夏水口在縣東南二十五里

張守節史記正義

左傳所云沈尹

戍奔命于夏汭也

通典

縣內有枝回洲荒谷西北有野父城

通典

枝江縣

次畿在州西一百二十里

案本漢舊縣屬南郡古之羅國江汜枝分東入大江縣治洲上故以為名上元元年析置長寧縣於郡郭以視兩京赤縣二年省枝江入長寧大歷六年復省長寧置枝江縣於舊地

沮水出房州房陵縣東山東南過枝江縣入於江

原文見通

釋案顏師古漢書注曰沮水即左傳所云江漢沮漳楚之望也

縣有九十九洲

原文

百里洲在枝江縣江中

胡三省通鑑注案通鑑武德四年九月蕭銑將文士宏將精兵

元和補志四

山南道

四

萬人屯清江趙郡王孝恭擊走之獲戰艦三百餘艘追奔至百里洲即此當陽縣次畿西一百五十里

案本楚之舊邑漢屬南陽郡即廣陽王子益所封之地

武德六年縣屬玉州八年屬江陵府

邑有南紫蓋山北紫蓋山

唐書

漢臨沮侯國故城在縣西北

後漢書注

邑東北有綠林山

後漢書注

王莽末賊所起處又有漳沮二

水左傳曰楚文王師于漳滋即此

通典

長林縣

次畿

案晉隆安五年置縣竝立武寧郡荊州記云當陽縣東有櫟林長坂昔時武寧至樂鄉八十里中拱樹修林隱天蔽日長林之名蓋取於此武德四年於縣東一百二十里置基州及章山縣七年州廢以章山屬郢州郢州廢來屬八年省章山入長林

章山在縣東北六十里

括地志

邑有雲夢澤一名巴邱湖荊州之藪也

北堂書鈔

石首縣

次畿東南至州二百里

武德四年置

通典

案依山立治顯慶元年移于支平山下

元和補志四

山南道

五

松滋縣

次畿西南至州一百二十里

案本漢高城縣地屬南郡松滋亦漢縣名屬廬江郡因晉咸康三年松滋流戶避兵荆土因于此僑置松滋以隸河東郡焉地有巴山蜀江東晉孝武時桓冲以符堅強盛自襄陽退屯于此上疏言孱陵縣界地名上明在吳時樂鄉城之上四十餘里北枕大江西接三峽田土膏良可以資業軍人遂為重鎮其樂鄉城即吳陸抗所築

上明故城亦謂桓城在縣西一里居上明之地為桓冲

所築故兼二名符堅南侵冲爲荊州刺史渡江南上明築城以禦之上明在縣東三十步明猶渠也因城在渠首故曰上明晉末朱齡石開三明引江水以灌稻田後

隄壞遂廢

原文見通釋

公安縣

次畿東至州八十里

本漢孱陵地吳之南郡荊州記云劉備敗于襄陽南奔荊州吳大帝擢爲左將軍荊州牧城此而鎮之時人稱備爲左安軍故名其城爲公安十道志見御覽百六十七案晉分孱陵置縣又置南平郡治此宋齊因之梁併孱陵入焉邑

元和補志四

山南道

六

有呂蒙城油水岑港

孫夫人城在孱陵城東五里漢昭烈夫人權妹也與昭烈相疑別築此城居之又孱陵城東有地名沓中晉永嘉末荊州刺史王澄自江陵徙居孱陵又奔沓中是也

原文

孱陵故城在縣西南

後漢書注

漢作唐縣故城在西馬頭戍城在西北陸抗屯此以禦

羊祜

通典

荆門縣

次畿

案本漢舊縣荆襄之要津也隋廢貞元二十一年復置

峽州 夷陵下

戶八千九十八 鄉二十七

春秋戰國竝為楚地秦屬南郡魏武于此置臨江郡梁

置宜州周武帝以扼三峽之口改為峽州十道志見御覽百六十七

案陳為重鎮隋大業初改曰夷陵郡武德二年平蕭銑

置峽州本治下牢鎮貞觀九年徙治步闡壘天寶元年

復為夷陵郡乾元元年復為峽州

州境 東西二百二十里 南北二百九十五里

元和補志四

山南道

七

八到

西北至上都一千八百一十八里

東北至東都一千六百四十六里

東至荊州三百四十七里

南至荊州水路二百三十七里

西至歸州一百九十里

北至襄州五百七十里

東南至江陵府界四百四十一里

西南至施州九百里

西北至歸州界二百三十里

東北至江陵府界九十里

貢賦

葛 蠟 五加 杜若 柑 苾硝 茶
箭竹 鬼臼

管縣四

夷陵 宜都 長陽 遠安

夷陵縣 上

漢縣屬南郡有夷陵山在西北因名劉昫唐書案吳黃武元年改曰西陵晉太康元年復漢舊名郡置在石鼻山上縣卽白起取楚之地

縣有七谷村有石馬穴一曰馬穿口常有白馬出穴人逐之入穴潛行出漢中漢中人失馬亦出此穴相去數千里相通原文見太平寰宇記

下牢鎮在縣西三十八里隋於此置峽州杜甫峽口詩開闢多天嶮防虞一水關原文見通釋

漢夷陵故城在縣西北後漢書注

元和補志四 山南道

荆州圖記曰縣南對岸有陸抗故城周迴十里三百四

十步卽山爲墉四面天險北堂書鈔

州城五十里有楚平王冢斑竹岡白帖

邑有三遊洞又有黃牛山高崖間有石色如人牽牛狀人黑牛黃故名之湍險紆迴行者歌曰朝發黃牛暮宿

黃牛三朝三暮黃牛如故今縣西有溫泉通典

宜都縣 中下東至州六十里

本漢陵縣屬南郡十道志見御覽百六十七武德二年改曰宜昌尋

改宜都唐書後漢岑彭破田戎于此公孫述遣將任滿拒

吳漢師作浮橋處在縣西北五十里水經云江水東楚
荆門虎牙之間荆門山在南上合下開其狀若門虎牙
山在北石壁色紅間有白文類牙故以名也二山皆楚
之西塞通典又有羊腸山

陸遜為宐都守鎮于夷陵蜀來伐大破之後陸抗鎮焉
西陵峽山在夷陵西北二十五里陸遜破蜀還屯夷陵
守峽口以備蜀卽此原文見通釋

荆門山在縣西北五十里公孫述將馮駿據荆門故城
基趾猶在山上後漢書注陳章昭達傳太建二年征蕭歸于

元和補志四

山南道

九

江陵周兵於峽下南岸築壘名安蜀城昭達攻其城降

之原文見通釋

漢夷道故城在縣西後漢書注

長陽縣中下

案本漢佷山縣屬武陵郡出藥草古直城在縣西北五
十四里四面險絕有林木池水之勝晉太康元年改為
輿山縣尋復舊名仍屬宐都郡宋齊因之隋開皇八年
李伯禽據縣背陳入隋改名長陽大業初縣屬荊州武
德八年屬東松州貞觀八年屬峽州邑有佷山長山溪

渚汕

恨山側有石穴出清泉中有潛龍每旱穢其穴輒湧水

蕩之因得漑田

北堂書鈔

縣有山獨立峻絕西北有石穴穴中有二大石俗名陽

石陰石旱鞭陽石則雨鞭陰石則晴

白帖

遠安縣

中下北至州一百六十里

案本漢臨沮縣地屬南郡晉改高安縣屬汶陽郡周武

成元年改名遠安隋唐因之邑有宐陽山清溪

邑有白馬山天寶元年更名神馬山

唐書

元和補志四

山南道

十

縣有陸抗城故城之南有孤山俯見大江如縈帶舟船

如鳧雁

原文見太平寰宇記

丹山有石鷺在仙室山西後連丹山宐都記曰丹山時

有赤氣籠照如丹故名有五龍山山有五峰若龍狀因

名

原文見太平寰宇記

縣江有狼尾灘

原文見通釋

歸州

巴東下

戶四千六百四十五

在周爲夔子國屬楚秦爲南郡漢于此置秭歸縣

十道志見

御覽百六十七案後漢因之建安中孫權分屬固陵郡尋廢永安二年置建平郡以爲重鎮東晉宋齊皆因之周改秭歸郡隋開皇初郡廢武德二年割夔州之秭歸巴東置歸州天寶元年改爲巴東郡乾元元年復爲歸州

州境 東西一百八十一里 南北二百四十八里

入到 西南至上都二千二百六十八里 東北至東都一千八百四十三里

東至峽州一百九十里 南至施州五百五十二里 西至夔州三百三十二里 北至房州五百里 東南至峽州界一百二十二里 西南至夔州三百三十二里

元和補志四

山南道

十二

貢賦 西北至夔州一百三十六里 東北至峽州界三百七十里 貢 黃蠟 白茶 亭蕙子 馬鞭 紵葛 椒

管縣三

秭歸 巴東 興山

秭歸縣 中

案本漢舊縣屬南郡屈原此地人既被流放忽然暫歸其姊亦來因名其地其宅在縣南三十里其里南岸曰歸鄉西岸曰秭歸周改縣曰長寧隋復舊名屬信州唐屬歸州產鹽

夔子城在縣東二十里昔周成王封楚熊繹初都丹陽
卽此後移枝江亦曰丹陽又移都郢吳置建平郡在此

原文見太平寰宇記

熊繹墓在今縣內

括地志

縣有伍胥廟擣衣石猶存

初學記

太清鎮在縣東南八十五里吳置以備蜀居三峽要衝

塞山蠻之路寇掠之道

通典

巴東縣 中下西至州六十里

漢巫縣屬南郡有石門山陸遜追劉備處

通典

案晉析置

元和補志四

山南道

三

歸鄉縣屬建平郡宋齊因之梁置信陵郡後周郡廢天
和三年於邑陵故城置樂鄉縣隋開皇十八年改爲巴
東以縣在巴山之東也邑有鹽鐵

興山縣 中下北至州八十五里

案吳永安三年分秭歸北界立興山縣屬建平郡晉廢
武德三年復置縣舊治高陽城貞觀十七年移治太清
鎮天授二年移治古夔子國邑有玉虛洞王嬙此縣人
也

高陽城在縣西三里山上楚自以爲高陽氏裔故名

原文

夔州

雲安下

戶萬五千六百二十

春秋時為魚國秦屬巴郡漢為魚復縣

十道志見御案覽百六十七

後漢初平元年分置固陵郡建安六年改名巴東屬益

州晉泰始三年分屬梁州太安二年仍屬益州永和初

改屬荊州劉宋泰始五年置三巴校尉領巴東等郡蕭

齊建元二年置巴州永明元年省梁普通四年改置信

州後周置總管府隋開皇二年罷郡大業元年廢府三

年改信州為巴東郡武德元年復為信州三年改名夔

元和補志四

山南道

三

州仍置總管府貞觀十四年為都督府尋省天寶元年

改為雲安郡至德元年置七州防禦使乾元元年復為

夔州二年刺史唐論請昇為都督府尋罷之有府一曰

東陽

州境

八到

南至上都二千四百四十三里
至東都二千一百七十五里

東至歸州三百三十三里
南至施州五百里

西至萬州二百九十八里
北至通州一百三十六里

東南至歸州三百三十里
西南至開州二百八里

西北至萬州一百九十七里
東北至歸州三百三十二里
貢賦 貢 紵布 熊羆 山雞 蜜 巴戟 黃蘗
柑橘

管縣四

奉節 雲安 巫山 大昌

奉節縣 上去州四里

漢魚復縣地故城今縣北三里赤甲城是也劉昫唐書即楚

之江關通典案蜀漢章武二年改曰永安縣晉太康元年

復名魚復西魏改名人復隋因之貞觀二十三年更名

奉節邑產鐵有永安井鹽官又有三峽山東瀼山濫瀨

元和補志四 山南道 西

堆

永安宮在縣東七里白帝山即州城所據也與赤甲山

相接初公孫述殿前有井白龍出焉因號白帝城城周

迴七里西南二里因江為池東臨瀼溪唯北一面小差

透迤羊腸數轉然後得上原文見通釋

八陣圖在縣西七里原文見通釋

赤甲山在城北三里漢時嘗取邑人為赤甲軍蓋犀甲

之色也原文

縣有魚復浦藝文類聚

夔州多喜山有雌雄泉春夏左盈右竭秋冬右盈左竭
帖白

雲安縣 上

漢胸臆縣地屬巴郡故城曰萬戶城縣西三十里有鹽
官 劉胸唐書 案後周武帝改為雲安縣隋屬信州唐屬夔州

縣有橘官

胸臆故城在今縣西 後漢書注

巫山縣 中東南至州七十二里

楚置巫山郡秦昭襄王三十年伐楚取黔中巫郡是也

元和補志四 山南道

五

漢為巫縣故城在今縣北有巫山及高郁山即楚詞所
謂巫山之陽高邛之岨也 通典 案隋開皇初改縣曰巫山

舊治巫子城屬巴州唐屬夔州

大昌縣 下東北至州六十四里

案本漢巫秭歸二縣地晉太康元年析置建昌縣尋改
太昌屬建平郡宋因之後周以宇文泰諱改為大昌隋
屬信州唐屬夔州邑有鹽官

澧州 澧陽上

戶萬九千六百二十

春秋戰國其地屬楚秦屬黔中郡漢為武陵郡屬荊州
吳分置天門郡晉為南義郡隋平陳廢郡置松州尋改
為澧州在澧水之北故取為名十道志見御覽百六十八案大業元
年改為澧陽郡武德四年復為澧州天寶元年又為澧
陽郡乾元元年復為澧州

州境

八到 西北至上都一千八百九十三里
西北至東都一千五百七十二里
東至岳州二百里
南至朗州一百八十里
西至黔州二百里
北至江陵府二百里

元和補志四

山南道

共

東南至朗州龍陽縣界四百五十五里
西南至辰州一千三十八里
西北至峽州二百五十九里
東北至江陵府公安縣五百七十五里

貢賦

貢 紋綾 犀角 竹簟 光粉 紵練縛巾
漆 柑橘

管縣四

澧陽 安鄉 石門 慈利

澧陽縣

望

案本漢孱陵零陽二縣之地屬武陵郡隋開皇元年置
澧陽縣為州治所唐因之

邑有關山

唐書

澧水澧浦

藝文類聚

又有崇山即放驩兜之所

通典又有大浮山

安鄉縣 中

案本漢孱陵漢壽二縣地後漢建武十六年分置作唐縣吳為南郡治晉太康元年置南平郡以隸縣隋仍改名孱陵尋又分置安鄉縣貞觀元年省孱陵入焉邑有澹水

石門縣 中

案本漢零陽縣地吳永安六年析置天門郡陳置石門縣隋唐因之邑有澧水

元和補志四 山南道

十七

慈利縣 中下

本漢零陽縣地以在零水之北故也隋改慈利唐因之 原文武德中析置崇義縣麟德元年省入 唐書

朗州 武陵下

戶九千三百六

禹貢荊州之域春秋戰國屬楚秦為黔中郡漢高祖五年為武陵郡梁湘王都于荊州割武陵郡置武州陳天嘉元年分立沅陵郡隋改武州為辰州尋改嵩州又改朗州 十道志見御覽百六十八唐因之天寶元年仍為武陵郡乾元

元年復為朗州 劉昫唐書

州境

入到 西北至上都二千五百二十一里
至東都一千八百五十八里

東至岳州六百里

南至潭州界一百一十里

西至辰州四百六十五里

北至澧州一百八十里

東南至潭州四百里

西南至辰州沅陵縣三百九十六里

西北至澧州石門縣界一百里

東北至安鄉縣界一百二十八里

貢賦

葛 紵 練 篋 犀角 柑

管縣二

元和補志四

山南道

六

武陵 龍陽

武陵縣 上

案本漢索縣屬武陵郡順帝更名漢壽晉改吳壽武帝時仍名漢壽唐改武陵晉潘京曰止戈為武高平曰陵武陵記桃花源即此地也

善德山在縣東九里本名枉山開皇中刺史樊子蓋以

善卷嘗居此改名善德 原文

北有永泰渠光宅中刺史胡處立開通漕且為火備西北二十七里有北塔堰開元二十七年刺史李璡增修

蒼溪縣

中下西南至州五十七里

案本漢閬中縣地後漢永和中於縣北巴岳山側置漢昌縣屬巴西郡晉屬巴西郡又分置蒼溪縣劉宋并蒼溪入漢昌隋開皇四年移治於曲肘山十八年改為蒼溪因界內有蒼溪谷也屬隆州唐屬閬州

有雲臺山紫陽山

唐書

西水縣

中下西至州一百二十里

案本漢閬中縣地梁大同中於縣西北三十五里置掌天戌後魏改為金遷縣後周閔帝元年改名西水大業

元和補志四

山南道

九

元年以西水泛漲遂徙治於彭定故宅屬隆州唐屬閬州縣有掌天山

奉國縣

上東北至州九十四里

案本後漢分閬中置梁武帝於此立白馬義陽二郡後魏恭帝二年改義陽郡為奉國縣屬白馬郡以此地始來歸附故以奉國為名隋開皇三年罷郡縣屬閬州武德七年隸西平州貞觀元年仍屬閬州邑有天目山

新井縣

中西南至州九十里

案漢充國縣地武德元年分南部晉安二縣置界內有

鹽井

新政縣 中東至州一百四十里

案武德四年割南部相如置本名新城後避隱太子名改爲新政有鹽邑有龍山嘉陵江

岐坪縣 中東北至州一百二十里

案宋分晉壽置宋安縣屬宋熙郡後魏廢帝三年改名岐坪隋屬利州開元二十三年改屬閬州

果州 南充中

戶三萬三千六百四

元和補志四 山南道

三

禹貢梁州之域春秋戰國竝爲巴子國秦魏王滅巴蜀是爲巴郡地漢晉皆爲安漢縣 十道志見御覽百六十七 宋齊因之

隋併入巴西郡唐初屬崇州武德四年分置果州 通典天

寶元年改爲南充郡乾元元年復爲果州大厯六年改

爲充州十年復爲果州 劉昫唐書

州境 東西二百四十五里

八到 東北至上都二千五百五十八里
東北至東都三千四百三十三里

東至渠州二百八十里
南至合州四百四十里
西至梓州三百五十里
北至閬州三百里

東南至渠州二百八十六里
西南至遂州一百七十五里
東北至蓬州二百八十里
西北至閬州封山鎮界二百六十五里
貢賦 貢 絹 絲 布

管縣五

南充 相如 流溪 西充 岳池

南充縣 上

漢安漢縣地屬巴郡宋于安漢故城置南宕渠郡劉昫唐書
案隋開皇初郡廢十八年改爲南充縣唐因之益州記
曰縣西有大昆井郡古之鹽井也

元和補志四

山南道

三

馮緄爲車騎將軍於此鑿崖刊石十有餘處今果山有
車騎崖 原文見太平寰宇記

果山在縣南八里 劉昫唐書

相如縣 中東北至州八十五里

案本漢安漢縣地梁武帝天監六年因司馬相如故宅
在縣南二十里遂置相如縣兼立梓潼郡後周郡廢隋
屬隆州武德四年改屬果州有鹽

縣東有雞郵溪 初學記

流溪縣 中西南至州八十五里

案本隋南充縣地開耀元年析置縣於柏郎溪水之側
水在縣東北四十步源自遂州

西充縣

上西至州九十五里

案本漢充國縣地晉析置因山名屬巴西郡宋齊因之
梁木蘭郡治於此西魏廢郡改縣曰晉城屬宕渠郡隋
廢武德四年以南充之地繁闊因析西北之境復置西
充焉有鹽

岳池縣

中

案萬歲通天二年析南充相如置有龍扶速山縣東三

元和補志四

山南道

三

十五里有岳安山高六百丈岳池之水出焉上有音樂
鳥

渠州

潯山本宕渠下

戶九千九百五十七

案禹貢梁州之域春秋時屬巴國秦漢屬巴郡東晉末
爲蠻獠所侵地因荒廢建安二十三年蜀先主分置宕
渠郡尋省延熙中又置尋又省晉惠帝又置值李壽亂
復爲諸獠所侵郡縣復廢至梁普通三年始于漢舊縣
西南七十里置北宕渠郡大同三年於郡治置渠州後

周武成元年改爲流江郡隋開皇三年廢郡大業三年改州仍爲宕渠郡武德元年復爲渠州天寶元年改爲潏山郡乾元元年復爲渠州

州境 東西一百四十五里 南北二百六十六里

八到 西南至上都二千一百七十里 西南至東都三千一百九十里

東至萬州四百五十里 南至合州新明縣一百七十里

西至果州二百八十里 北至通州六百里

東南至涪州二百七十里 西南至果州岳池縣界一百二十九里

西北至蓬州一百里 東北至通州六百里

元和補志四 山南道

三

貢賦 貢 綿 綢 藥實 黃連 鐵器 買子 茱萸 車前子

管縣三

流江 渠江 潏山

流江縣 上

案渠州三屬皆漢宕渠縣地後周明帝置流江縣隋唐因之武德元年析置義興縣八年省

漢宕渠故城在縣東北俗名車騎城 後漢書注

渠江縣 中下

案後漢分置賚城縣今縣北十二里有古廢城焉梁普

通三年改名始安屬北宕渠郡隋開皇十八年仍爲賓
城武德元年更名始安又析置豐樂縣八年省天寶元
載更名渠江

潏山縣

中下東南至州二百里

案自晉至齊竝爲夷獠所據梁置潏山縣武德元年分
置潏水縣又置潏州八年州廢縣屬渠州城南西北三
面有池圍繞東阻涅水其險固號爲金城邑有鐵

潏山在縣西四十里

劉昫
唐書

元和補志四

山南道

三

元和郡縣補志